

Grupo di Texas, kier a intimida prensa di Aruba



ORANJESTAD (AAN) — Pae di tantísimo biaha den e ultimo tempo, miembronan di prensa di Aruba ta confronta problema cu e personanan cu ta bini di exterior pa sea filma, saca potret of cu otro palabra tin un par di dia di vakantie ariba un dushi pida Isla cu yama Aruba relaciona cu e desaparicion di e hoben Americana cu ta hiba e nomebr di Nathalee.

Dialuna mainta trempa un biaha mas e grupo di Texas cu ta actualmente na Aruba pa busia na diferente lugar ariba nos Isla, tabata presente na e dam di Moko, pa asina por drenta den e dam y busca algo morto den e awa contamina aki.

Pakico nos ta menciona contamina, pasobra tabata un berguena di mira cuanto porkeria tin tira den e dam aki. Aki nos por papia di un cantidad di tire bieu, micro wave, frishidaire y asina por sigui menciona.

Bolbiendo bek ariba e asunto di e personanan cu a bin busia na e dam, ta asina cu na momento cu miembronan di prensa di Aruba a haya sa di e asunto aki, mescos

cu tur otro asunto cu ta concerni e busqueda di Nathalee, ta mesora tur ta basha bay unda e busqueda ta tuma lugar pa asina por tin noticia fresco pa e pueblo di Aruba cu tambe kier sa mas kico tur ta sosodiendo.

Lamentablemente pa nos sorpresa, un biaha mas prensa di Aruba ta wordo trata manera ta hendenan cu malesa nos ta.

A presenta un persona involvi cu e grupo aki di Texas, cu a menasa algun miembro di prensa cu nan mester bay for di e sitio aki y cu esey no sosode rapidamente, accion lo wordo tuma.

Wel ta akinan ta caminda algun di e miembronan di prensa a mostra e personanan aki kico ta nos derecho y cu nos lo wak kende ta bin hala nos for di e sitio.

Ora cu e grupo di Texas aki a wak cu akinan cos por sali for di man, a dicidi pa sigui cu nan busqueda sin molestia mucho.

Un rato despues tabata e dos damitanan cu ta acompaña e grupo cu a cuminsa ta mostra como si fuera cu nan so sa di comunicacion y akinan un biaha mas un di e reporetronan di DIARIO, a mustre su caminda y corectamente a bise cu e por bay for di e sitio si e ta hiba di gusto, ya cu e damitanan a menasa di lo recohe nan equipo y bay for di e sitio si nos como reporteronan di Aruba no hala mas leu for di e sitio.

Straño di tur e asunto aki ta cu di



nan banda si tabata hende pa filma y otronan cu por a saca potret.

Ora cu e reportera di CNN a yega na e sitio, tambe e damitanan a bay den nan direction pa stopnan di haci nan trabou.

Mesora e damitanan a wordo poni na altura di e situacion y corectamente a splica nan cu nan mester stop di molestia prensa di

Aruba.

Por ultimo e damitanan a pasa skirbi tur e numbernan di auto cu tabata presente sin splica cu ki intencion y cu un cara di "ami no a hacie," ta bin puntra e miembronan di di Aruba, si nan kier bay un reuda di prensa cu lo tuma lugar na Holiday Inn of si e miembronan di prensa di Aruba kier haci algun entrevista cu nan, cu nan ta dispuesto pa contesta e

preguntanan.

Akinan tambe nan a wordo mostra cu no ta interesa prensa di Aruba, ni nan press conference, ni nan comentarionan.

Mr. Van de Straten cu a pasa eybanda, a mostra e miembronan di prensa di Aruba, cu pa atardi, e grupo di Texas aki lo wordo yama pa un reunion, pa asina splica nan e derecho di e prensa di Aruba y international.